



partii naleraq

UKA2015/33
10.november 2015

Naalagaaffiit Peqatigiit meeqqat pillugit isumaqatigiissutaata ilanngunneqarnissaa pillugu kingusinnerpaamik 2016-imi ukiakkut ataatsimiinnermi Inatsisartut inatsisaattut siunnersuuteqaqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortaq Aaja Chemnitz Larsen, Inuit Ataqtigiit)

Aappassaaneerera.

Inatsisartunut ilaasortaq Aaja Chemnitz Larsen Inuit ataqtigiit Naalagaaffiit peqatigiit isumaqatigiissutaata ilanngunneqarnissaa pillugu inatsisartunut saqqummiussaqaarluni tamannalu oqaaseqarfigisavarput.

Meeqqat illersorneqarnissaat tamatta inatsisartuni pingaartikkipput nalunngilarput meeqqanullu suliniutit nukittorsartuarnissaat tamatta pisussaaffittut tigusariaqaripput Partii Naleqqamiit oqaatigerusupparput.

Nunatsinni meeqqat atugaat qujanartumik suli nipitunerujartuinnartumik eqqartorneqarnerulererat ajunngilluinnartoq Partii Naleqqamiit oqaatigerusupparput, tassami pissutsit akuersaarneqarsinnaangitsut meerartatsinnut inuusuttunullu ilaatigut sumiginnaanerit annertusiartuinnartutut isikkoqartut ataatsimoorullugit akiorniartariaqaleratsigit.

Meeqqat inuuniarnikkut isumagineqarnikkut ilinniartitaanikkullu isumassorneqarluarlutik ineriartornissaat annertusartuartaqartoq Partii Naleqqamiit isumaqarluinnarpugut.

Meeqqat meeraanermi nuannaarlutik toqqissisimallutik ulluinnarni inuuneranni pitsaasunik atugassaqaqtitaallutik peroriartornissaat angerlarsimaffeqarnikkut atisassaqaqtitaanikkut nerisassaqaqtitaanikkullu ullumikkornit pitsaanagerusunik meeqqat ilaasa atugassaqaqtitaanissaat qulakkerniartariaqarmat.

Angajoqqaat meerartallit angerlarsimaffimminiit anisitaasimasut ilumut pissusissamisoornersaq akuerineqarsinnaanersorlu tamanna eqqarsaatigisariaqalerparput, angajoqqaat ajornartorsiuteqarpata ajornartorsiutaat pillugit siusinnerusumik suliniarfigineqartalernissaat ilungersuuttariaqalerparput tassami meeqqat angajoqqaallu angerlarsimaffeerullugit anisiinnarneqartarnerat akuersaaginnarsinnaajunnaarparput.

Kiisalu aamma ikiorsiisarnermut tunngasut pingaartumik suliffissaarunnermi aningaasat tigusartakkat angajoqqaanut meerartalinntut tunniunneqartartut aningaasanngorlugit

tunniussat nalingi ullutsinnut inuuniarnermut naleqqunnerusumik angissusilertariaqalersut Partii Naleqqamiit oqaatigerusupparput.

Ilaqutariinnermut peqqissutsimullu ataatsimiititaliap allanngutissatut siunnersutaa tassalu

Namminersornermut inatsimmut killissarititap iluani Naalagaaffiit Peqatigiit Meeqqat pillugit isumaqatigiissutaata kingusinerpaamik 2017-imi Inatsisartut inatsisaannut ilannguneqarnissaanik Naalakkersuisut peqquneqarnissaat pillugu Inatsisartut aalajangiiffigisassaattut siunnersuut.

Matumanilu saqqummiunneqartoq tamakkiisumik Partii Naleqqamiit taperserparput Meeqqat inuusuttutllu atugaasa isumannaatsumik pisinnaatitaaffeqarlutik inissinneqarnissaat pingaarluinnarmat.

Hans Enoksen